

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 1795 del 16/06/2026**

**En mercol ai 10 de jugn la pruma sentèda de garejèda. L projet à n valor en dut de 141 milions de euro**

## **Varianta Ciampedel-Cianacei, trei firmes a la garejèda per la projetazion**

**[Ladino]** L é trei operadores economics che tol pèrt a la garejèda per la projetazion de la varianta Ciampedel-Cianacei, intervent strategich per la mobilità de Fascia che à n valor en dut de presciapèch 141 milions de euro. En mercol ai 10 de jugn te la senta de l'agenzia provinzièla per i apalc e i contrac-Apac, l é stat metù a jir la pruma sentèda de garejèda per orir la documentazion tecnica. La prozedura, donca, la é stata lascèda su per poder nominèr la comiscion tecnica che arà la encèria de valutèr la perferides portèdes dant dai concorenc.

**“Sion contenc per la partezipazion al avis de garejèda per la projetazion, che permet de jir inant col iter de na opera zis emportanza e trop spetèda da la jent de Fascia” à comentà l president de la Provinzia autonoma de Trent, Maurizio Fugatti.**

Tel detai, la prozedura la perveit de dèr su i servijes tecnicos de enjegneria e architettura projet de fatibilità tecnich-economiche (PFTE), l projet esecutif (PE) e chel de la segurezza endèna la projetazion (CSP) de l'opera (con sigla S-1021).

La suma aldò de la basa de garejèda, al net de la opzion, di agravies previdenzièi e de la SVE, la é de € 5.880.997,04.

L avis l perveit la consegna de duc i documenc del projet de fatibilità tecnich-economica e de la pruma indicazioni per l pian de segurezza e coordinament dant che sie passà 167 dis da canche ponta via la prestazion. Per l projet esecutif e l pian de segurezza e de coordinament de referiment l termin l é stat stabilì te 104 dis da la comunicazion del scomenz de la prestazion, do aer tout su i pareres pervedui endèna la conferenza di servijes sul PFTE.

Per la realizazion de l'opera, metuda ite anter i intervenc strategics de l'aministrazion provinzièla, l é pervedù n finanziament de presciapèch 141 milions de euro. La neva strèda (UF1) la sarà longia presciapèch 3,2 chilometres, de chi che presciapèch 2,8 te n tunel.

Responsabol unich del prozediment e commissarie straordenèr de l'opera l é l enjegner Bruno Lorengo.

**Traduzion di Servijes Linguistics e Culturèi del Comun general de Fascia**

(cdt)